



Inatsisartut suleriaasiat § 36 immikkoortoq 1 naapertorlugu Naalakkersuisunut imaattumik apeqquteqarniarpunga.

Naalakkersuisunut Apeqqut:

- **Qasigiannuguit eqqaani erngup nukinganik qaqagu nukissiorfiliortoqarniarpa? Erngup nukissiorfiliortoqassappallu sumiinnissaa eqqarsaatigineqarpa?**
- **Erngup nukissiorfiliortoqarnissaanut misissuinernik ingerlatsisoqarsimava? Misissuinernik ingerlatsisoqarsimangippat qaqagu erngup nukissiorfiliortoqarnissaanut misissuinernik aallartitsisoqarniarpa?**
- **Qasigiannuguit eqqaani erngup nukissiorfiliarineqarsinnaasumi Illoqarfiit nunaqarfillu sorliit erngup nukinganik pilersorneqarsinnaappat?**
- **Qasigiannuguit, Aasianni, Kangaatsiamilu erngup nukissiorfiliortoqaraluarpat Aasiaat Kangaatsiarlu erngup nukinganik tuniorarneqaleraluarpata aningaasat ukiumut qassit sipaarneqarsinnaappat illoqarfinni taaneqartuni?**
- **Naalakkersuisut erngup nukissiorfiliortoqarnissaanut qanoq aningaasalersuissallutik takorluugaqarpap?**

(Kristian Jeremiassen, Siumut)

Tunngavilersuut:

Isumaqarpunga pingaaruteqartoq mingutitsinerup annikillisarnissaa sulissutigineqartuartariaqartoq, nunami maani maani periarfissat ilagivaat Qasigiannuguit eqqaani erngup nukissiorfiliorsinnaaneq, erngup nukissiorfiliorneq siunissamut aningaasaliineruvoq kinguaassatsinnut ajunngittumik kinguneqartussa.

Naalakkersuisut qinnuigivakka nassuiaatigeqqullugu Qasigiannuguit eqqaani erngup nukinganik qaqagu nukissiorfiliortoqassanersoq, erngup nukissiorfiliortoqarpat uuliamik avataaniit naatsorsuuteqarneq annikillisussaavoq nunallu pisuussutai atorluarneqarnerulerlutik. Erngup nukissiorfiliortoqassappat Qasigiannuguit eqqaani sumi inissisimassanersoq aamma qinnutigivara Naalakkersuisut nassuiaassangaat.

Misissuineqarsimappat erngup nukissiorfiliortoqarsinnaaneranut paasissutissat aamma pissarsiarerusuppakka sordiaanerut. Taamatullu misissuisoqarsimangippat erngup nukissiorfiliornissamut qaqagu misissuinerit aallartinneqarsinnaanerat naatsorsuutigineqarnerusoq nassuiaqqara.

Illoqarfiit nunaqarfiillu sorliit erngup nukissiorfiliornermi pilersorneqarsinnaasut periarfissat suunersut paaserusuppara, tassa imatut oqaatigalugu sorlerpiaat erngup nukinganik pilersorneqarsinnaanersut.

Minnerpaamik Qasigiannugit Aasiaat taamatullu kangaatsiaq erngup nukinganik pilersorneqaleraluarpata aningaasartuutit uuliamut qanoq annertutigisut ukiumut sipaarneqarsinnaanersut nassuiaquara piviusoq paaserusullugu.

Naalakkersuisut nunatta karsianit tamakkiisumik erngup nukissiorfiliornermi akilersorneqassanersoq takorloorneraat imaluunniit avataaniit attartorluni aningaasalersuinissaq sorleq kissaatingineruneraat aamma paaserusuppara.

Apeqquteqaat ingerlatitara ullut suliffiusut qulit qaangiutsinnagit akineqarnissaa qinnutigivara.